

7. november 2017

UKA2017-50

Meeqqanut sumiginnaasimasunut, taamatullu kinguaasiutitigut innarlerneqarsimasunut siusissukkut piukkunnaateqartumillu katsorsaaniisanut neqerooruteqarnissaq, allatigullu ikorfartuisinnaaneq qanoq ililluta qulakkeersinnaaneripput pillugu apeqquteqaat aallaavigalugu oqallinnissamik siunnersuut.

(Inuit Ataqaigiit Inatsisartuni ilaasortaataitai)

Siumut pingaartittuaannarpaa meerartatta pitsaanerpaamik ikiorserneqarnissaat, taamaattumik ukiuni kingullerni pisortanit ikorseeriaatsit pitsanngorsartuarnissaat anguniartuarsimavaa. Siumup pingaartippaa nuna tamakkerlugu pitsaasumik meeqqanut ilaqutariinnillu sullissisoqarnissaa.

Pingaarteqarluinnarpormi meeqqanik kinguaasiutitigut atornerluineq akiorniassagaanni, aammalumi meeqqanut pitsaasumik sukkasuumillu suleriaaseqassagaanni, pingaarteqarluinnarpoq sulisunik pikkorissunik aammalu meeqqanik sumiginnagaasimasunik, annersarneqarsimasunik kinguaasiutitigullu atornerlunneqarsimasunik iliussissanik ilisimasalinnik sulisoqarnissaq.

Siumut isumaqarpoq siusinnerusukkut meeqqat sumiginnagaasernerat kinguaasiutitigullu immikkut ilisimasalinnik angalaarlutik paasisitsiniaanerit 2007 – 2008 -milu pisimasut kingulleqqittariaqartut, tamatumuunala aamma politiit peqqinnissaqarfillu peqataatillugit aqqissuussisoqartariaqarluni. Kiisalu tusagassiuutit atorlugit aamma piviusut aallaavigalugit oqallitsitsinerit paasisitsiniaanerillu ingerlanneqaqqittariaqartut.

Peqqinnissaqarfiup suleriaasia aamma eqaannerusariaqarpoq, ajoraluartumimmi matu ataaseq Saaffiup pilersinneqarnerani siunertarineqarsimasoq iluatsilluarsimangilaq, peqqinnissaqarfiup ornigulluni misissuinissani kajumissuseqarfiginikuunngimmagu. Aamma soorunami sineriammi meeqqat kinguaasiutitigut atornerlunneqarsimasut angajoqqaaminiiginnarnissaa ilisarissimasaminninngaanniik qimagutillugit Nuummut Saaffimmut aallartinnagit, najugaqarfiannut ornillugit sulisunik meeqqanillu angajoqqaanullu allanullu qanigisaanut tapersersuinissaq pingaarteqarluinnarmat Ilaqutariinnut sullissiviit nukittorsartuarnissaat pingaarteqarluinnarpoq.

Qujanartumik 2015imi meeqqanut katsorsaallutik oqaloqatiginnittartut aallartisarneqarnikuupput, illoqarfiillu arlallit maannamut sulliffiqineqarsimallutik, soorunami annertusaanissaq suli pisariaqarpoq, Siumullu pingaartippaa suli annertunerusumik sullissinermut nukittorsaanissaq aammalu angalaartartunik sullissinerup annertusaavigineqarnissaa, tamanna Naalakkersuisut anguniassappasuk.

Isumaginninnermi allaffinni sulisut meeqqanut sullissisut annertunerusumik nukittorsarneqarnissaat suli pisariaqarluinnarpoq, taamaattumik SIUMUT isumaqarpoq socialrãdgiiverinut sagsbehandleriusunut suli hold-eq ataaseq Naalakkersuisoqarfiup aqqissuussaani ukiuni pingasuni pikkorissaaqqittoqartariaqartoq. SIUMUT isumaqarpoq naammanngitsoq Naalakkersuisut Ilisimatusarfik aqqutigalugu Masteritut ilinniarfissamik pilersaaruseriorlutik aallartisaarinerat, ukiut arlallit pilersaaruseriorneq ingerlanneqarsinnaammat, aammalu Ilisimatusarfimmi socialrãdgiiverinnngorniarfimmi faglãreriinnarnik atorfinittisisoqartartillugu, qaffasissumik pikkorissaaasannaaneq qularnarmat. Taamaattumik upernaq naammassisut ilinniagaattut ittumik aallartisisoqaqqinnissaa pingaarteqarpoq, atuagarsornertalik – inatsilerineq,

ataavartumik supervision kiisalu ilinniaqqittunut inuttut katsorsaaneq ilinniaqqinnermi qitiutilluinnarlugit ingerlanneqaqqittariaqarput.

Siumut isumaqarpoq ukiuni kingullerni sullissinerit nukittorsaanerillu annikillisaaviginagit sulii annertunerusumik sakkortusaasumik annertusaavigineqartariaqartut. Neriuppugut Naalakkersuisut annertunerusumik sulii suliniuteqarumaartut, taamaattoqassappat tamanna Siumumiit tapersersukutsuussavarput.

Naggataatigut oqallinnerup qujanaq neriuppugullu kinguneqarluarumaartog

Martha Lund Olsen
Siumut